

Fifa.

Opida.

Flumina.

Gourea.

Soli fertilitas.

Angusia.

Urbium nomina

Abrenethea.

Situs.

Urbium nomina

Marria.

Situs.

TAichiam excipiunt *Ocelli* montes; ipsi quidem magna ex parte, atque ager ad eorum radices in Iernenli præfectura censentur. Verum reliquum agri ad Fortham usque ambitio in varias præfecturas dissevit, *Clacmananam, Colrossianam & Kinrossianam*. Ab his & *Ocellis* montibus quicquid agri a lateribus *Fortha & Taus* claudunt, in Orientem anguste cuneatur ad Mare. Et uno nomine appellatur *Fifa*, omnibus rebus ad usum vitæ necessariis sibi sufficiens: qua lacus *Levinus* eam scindit, latissima: inde utrinque se colligens in angustum usque ad *Caraliam* opidum. Amnem unum qui memoratu sit dignus *Levinus* fundit. Totum littus frequentibus opidulis præcingitur: è quibus maxime est memorabile propter bonarum artium studia *Fanum Andreae*, quod prisca Scoti *Fanum Reguli* appellant. Interius in media fere regione est *Cuprum*, quo reliqui *Fifani* ad jus accipiendum conveniunt. Qua Ierniam contingit, est *Abrenethium* vetus Pictorum regia. Hic in Taum influit *Ierna*. Ipse autem *Taus* è lacu *Tao*, qui est in *Braid Albin* viginti quatuor millia longo erumpit, fluviorum Scotiæ facile maximus. Is se ad *Grampium* montem inflectens, *Atholiam* attingit regionem fertilem in ipsis *Grampi* saltibus collocatam. Infra *Atholiam* ad dexteram *Tai* ripam sita est *Caledonia* opidum, vetus tantum nomen retinens, vulgo *Duncaldem*, id est tumulus corilis cõsitus, Corilus enim cum per inculta se latissime funderet, & silvarum opacitate agros tegetet, & opido & genti nomẽ dabat. *Caledones* enim, aut *Caledoni* gens olim inter Britannorum clarissimas alteram partẽ regni Pictorũ faciebant: quos *Ammianus Marcellinus* in *Caledones & Vecturiones* dividit, quorum nunc vix nominis vestigium ali- quod superest. Infra *Caledoniam* ad duodecim millia passuum in eadem dextra ripa est *Prethum*. Ad sinistram ripam sub *Atholia* ad Orientem spectans est *Gourea* frumentariis cãpis nobilis. Et sub hanc iterum inter Taum, & *Escam* porrecta *Angusia*, sive vt prisca Scoti loquuntur *Aeneia*. Sunt qui *Horestiam*, aut juxta dialectũ Anglo- rum *Forestiam* dictã putant. In ea sunt urbes *Cuprum*, & quod *Boethius* patriæ suæ gratulans ambitiose *Dei donum* vocat. Vetus enim nomen *Taodunum* fuisse reor, a *Duno* id est colle ad Taum sito, sub cujus radicibus opidum est exstructum. Extra Taum ad xiiii milia passuum recto littore occurrit *Abrenethea*, alio nomine *Obrinca*. Deinde *Rubrum* promontorium satis longe conspicuum. *Esca* fluvius cognomento Australis mediam secat: alter *Esca* Septentrionalis eam a *Mernia* dividit. Ea ex magna parte solo est campestri, & plano, donec ultra *Fordunum* & *Dunotrum* Comitum *Martialis* arcem occurrat *Grampus* paulatim se demittens, & in Mare subsidens. Ultra eã ad *Septetriones* est *Dena* vulgo *Dea* fluminis ostiũ: & plus minus mille passus ulterius *Dona*. Ad alterũ *Abredonia* est *Salmonum* piscatu nobilis, ad alterum *Episcopi* sedes, & scholæ publicæ omnium ingenuarum artium studiis florentes. Hanc citeriorem invenio vetustis monumentis *Abredeam* appellatam. Nunc utrumque opidum *Abredonia* Veteris & Novæ cognominibus distinctum vocatur. Ab hac tam angusta fronte inter hæc flumina incipit *Marria*, ac sese paulatim dilirans ad lx in longitudinem millia se protendit *Badenacham* usque. Ea regio perpetuo dorso continetur, & in utrumque Mare diversa magnaque flumina evergit. *Badenachæ* cõfinis est *Abria*